

潘重規先生八秩榮慶祝壽專輯

敦煌學

第十二輯

敦煌學會編印

# STUDIES ON TUN-HUANG

VOLUME XII

Association of the Studies on Tun-Huang

Hwa Kang, Taipei Taiwan R. O. C. 1987

# 敦煌寫本「新集文詞九經抄」校錄

## — (P 2557部分)

鄭 阿 財

### 一、引 言

新集文詞九經抄乃敦煌石室遺書中所保留的寶貴民間通俗讀物，此一讀物自面世以來，除王重民的敦煌古籍敘錄曾作過簡略的介紹外，八十年來，一直沒得到應有的重視與利用。而王氏的敘錄亦僅介紹 P 2598、P 2557 與 S 5754 等三寫卷及遂錄其序文而已。其介紹既有誤差，所錄序文又復不全，至於新集文詞九經抄一書之內容、時代、成書、價值等問題，更未深究，余有見於此，曾不揣謏陋，草成「新集文詞九經抄」研究一文<sup>①</sup>，其間對今所知見的新集文詞九經抄、文詞教林及類似之寫卷一十三卷，詳加敘錄，並加以綴合整理，確定 P 2557、P 3621、P 2598、P 4971、S 5754 及 L 1247 Ⅱ X—247、L 1429 Ⅱ X—1368、L 2816 Ⅱ X—2153 A 等八字卷，係新集文詞九經抄一卷並序的抄本，其中 P 2557、P 3621、P 2598 三卷正可拼湊綴合成一具有首題、尾題，且內容完整的「新集文詞九經抄一卷並序」<sup>②</sup>。至於 S 5754 殘卷係序文部分，而 P 4971 殘卷則與 P 2557 第 170—184 行部分完全相同。由於「新集文詞九經抄」不但是研究唐代民間教育的寶貴資料，亦是研究敦煌通俗文學的參考資料，特據原卷影本細加校錄，並查核其援引之典籍語粹，以資參考。

### 二、凡 例

1. 本校錄據 P 2557、P 3621、P 2598 三卷為底本，校以 S 5754 及 P 4971，並參校 P 2612 文詞教林卷上殘卷及 P 3990、P 3368、P 3169、P 3469、P 3515 等五卷類似「文詞九經抄」

---

<sup>①</sup>刊載於 1986 年 12 月漢學研究第四卷第二期，敦煌學國際研討會論文專號 頁 271—290。

<sup>②</sup>見上註頁 277—280。

」之寫本。

2. 校錄文字悉據底本逐錄，若有異文，擇善而從，並出校記以說明之。
3. 凡底本缺字，用□表之，缺若干字即用若干□。
4. 凡底本脫字，需補足文義者，所補之字以〔 〕括之。
5. 凡誤字、別字、通假字、或疑當爲某字，改正後，必加注說明之。
6. 爲利排印，凡俗字，均改作正字。

### 三、校 錄

#### 新集文詞九經抄一卷並序

包括九經，羅含內外，通闡三史，是要無遺，今古參詳，禮儀咸備，忠臣孝子從此而生；節婦義夫亦因此起。若夫天地一指，陰陽二儀，人無異形，善惡分像。故足以運身，詞能利人，步有進退，詞有善惡，惡詞如眾草<sup>①</sup>，不植而自生；善言如百穀，非力無自媚。口雖一也<sup>②</sup>，開則香臭異聞；人之一焉，量則有深淺<sup>③</sup>。視深窺淺，咸由懇學而成<sup>④</sup>，以賢則（測）愚<sup>⑤</sup>，莫不因學而成智。昔儉光慕道，善自前聞；刺股懸頭，傳之往典。孔子曰：「未有不法而自政（正）<sup>⑥</sup>，不教而自爲。」淮南子曰：「未有捨舟楫而涉江海，棄銜勒而御馬者也。」故典籍於人亦猶是矣<sup>⑦</sup>。禮記云：「玉不琢，不成器；人不學，不成（知）道<sup>⑧</sup>。」劉通曰：「藪質含絲而出，人性懷智，須學乃成。」老子曰：「修之〔於〕身<sup>⑨</sup>，其德乃真。」論語云：「修飾以成人。」至如小人君子<sup>⑩</sup>，向背不同，取捨由身，易於反掌。周公曰：「善自作福，惡自作災。」孔子曰：「吉凶由人，禍福由身。行善則吉，行惡則凶。」爲人由己，豈由人乎？是知道德禮義<sup>⑪</sup>，可修不可廢，可法不可遺（違）<sup>⑫</sup>。行之則君子見焉，遺（違）之則小人露矣<sup>⑬</sup>。故以羣書纂義，且濟時須。刪簡繁文，通闡內外，爰（援）今引古<sup>⑭</sup>，是要無遺，訓俗安邦，號名家教，題標舉目，示之云爾。夫屋破者，恆畏風雨；心邪者，常憂禍患，若補得屋，則風雨不入其室，（正）得意<sup>⑮</sup>，則禍患不入其門。世人悉補屋以御風雨，不知正心以除禍患，何其愚惑者矣。

① 「如」，原作而，同音通假，據 S 5754 改。下同。

② 「雖」，S 5754 作須。

③ 「量」，原卷模糊，S 5754 作異，據 P 2612 作「量」。

④ 「而」下，原卷有「一」，衍，據 S 5754、P 2612 刪。

- ⑤ 「則」，原卷及 S 5754 並作「則」，P 2612 作「側」，據文義當作「測」。
- ⑥ 「政」，原作成，塗去，旁改作政。S 5754 作成，P 2612 作政。按：政、正音同，敦煌寫卷多通用。如：P 2612：「悅禮敬詩，可以和神性；友賢輔德，可以正邪。」正即作政。
- ⑦ 「猶」，原卷作由，敦煌寫卷由、猶多通，據 P 2612 改。
- ⑧ 「成」，P 2612 作知，依禮記學記當作知。
- ⑨ 「於」，原脫，據 P 2612 及老子五十四章補。
- ⑩ S 574 止於此。
- ⑪ 「知」，原作之，敦煌寫卷之、知多通，據 P 2612 改。
- ⑫ 「造」，P 2612 作造，造、造均通，作造較佳，下同。
- ⑬ 「露」，原作路，據 P 2612 改。
- ⑭ 「爰」，據文義當作援。
- ⑮ 「正」，原卷作心，據 P 2612 及真言要決卷第一改。

1. 賈誼曰：「有沖天之翼者，必不棲息於桑榆；有方寸之心者，必不談論於名利。名利者，是人之淺志；志道者，是君子之心識。故小人以名利爲宗；君子以道德爲主。

① 按：此則亦見引於 P 2612 及真言要決卷第一，均引作「賈誼曰」

2. 孔子曰：「君子喻於〔義〕<sup>①</sup>，小人喻於利<sup>②</sup>。白玉投溷，則不能損其色；君子遊於濁世，則不能染亂其心。故知松柏可以負霜雪，明智可以涉艱危。歲寒然後知松柏之心<sup>③</sup>，世濁自表通人之志<sup>④</sup>。」

① 「喻」，原誤作偷。「義」，原卷脫，據 P 2612 補。

② 以上出於論語、里仁篇。

③ 按論語、子罕篇：「子曰：歲寒，然後知松柏之後凋也。」

④ 「通人」，P 2612 作仁賢」。

⑤ 按：此則亦見於真言要決卷第一：「故孔子云：君子喻於義，小人喻於利。白玉投於糞泥，不能污毀其色；君子遊於濁世，則不能染亂其心。故松柏可以負霜雪，明智可以涉艱厄。歲寒然後知松柏茂，世濁然後知至人通。投頑石於江河，則萬載而不潤；聚愚人而話道，則終身而不聞。」

3. 劉會曰：「積穀帛者，不憂飢凍；抱道德者，不懼凶邪。」<sup>①</sup>

① 按：此則見於真言要決卷第一，P 2612 引此，亦作「真言決云」。

4. 論語云：「聖人君子，有道則見，無道則隱。」<sup>①</sup>

① 按論語、泰伯篇：「子曰：篤信好學，守死善道。危邦不入，亂邦不居。天下有道則見，無道則隱。」

5. 賢士傳曰：「鑿井而飲，耕田而食，日出而作，日入而息，無欲無榮，不求帝力，何患能及。」<sup>①</sup>

① 按：帝王世紀：「帝堯登帝位，天下大和，百姓無事，有八十老人擊壤於道，觀者歎曰：大哉帝

之德也。老人歌曰：「吾日出而作，日入而息，鑿井而飲，耕田而食，帝何力於我哉」。又見高士傳卷上。

6. 孔子曰：「內省不疚<sup>①</sup>，何患何懼。」<sup>②</sup>

① 「疚」，原卷誤作疾。

② 按論語、顏淵篇：「子曰：內省不疚，何憂何懼。」

7. 老子曰：「人心惟危，道心惟微。」<sup>①</sup>

① 按：尚書、大禹謨：「帝曰：……人心惟危，道心惟微，惟精惟一，允執厥中。」

8. 馬卿曰：「夫明者遠見於未萌；智者避危於未形，禍故多藏於細微，而發人之所忽。」<sup>①</sup>

① 此則P 2612引作易曰：「明者遠見於未萌，智者避危於無形，禍故多藏於細微而發人之所忽。」按：王三慶先生敦煌古類書研究「文詞教林」稿，注云：「史記、司馬相如傳：蓋明者遠見於未萌，而智避危於無形；禍固多藏於隱微，而發於人之所忽者也」亦見文選卷三十九「上書諫獵」。

9. 尚書云：「怨不在大，亦不在小。」<sup>①</sup>

① 按：尚書、康誥：「我聞曰：怨不在大，亦不在小；惠不惠，懋不懋。」

10. 顏淵曰：「君子見毫毛之善，不謂之小<sup>①</sup>，不敢不勉；有纖芥之虧，不謂之微，不敢不懼。」

① 按：「不謂之小」，原作「不之小謂之」，據文義改。

② 按：P 2612引此作：「顏淵曰：君子見豪釐之善，不謂知小，不敢不勉；有纖芥之虧，不謂之微，不敢不懼。」王三慶先生敦煌古類書研究「文詞教林」稿，注云：「論衡、問孔篇：春秋之義；采毫毛之善，貶纖介之惡，褒毫毛以巨大，以巨大貶纖介。」

11. 論語云：「言寡尤，行寡悔。」<sup>①</sup>

① 按：此出論語，為政篇。

12. 尚書云：「不矜細行，終累大德。」<sup>①</sup>

① 按：此出尚書、旅獒

13. 鮑子曰：「河海不讓於細流，以成其大，故君子以含弘為大，海水以博為深。」<sup>①</sup>

① 按：管子、形勢解：「海不辭水，故能成其大；山不辭土石，故能成其高；明主不厭人，故能成其眾；士不厭學，故能成其聖。」又太公家教：「君子以含弘為大，海水以博納為深」，又P 2612，引郭象曰：「山不讓壘，遂能成其峻，海不辭露，所以致其深，君子以含弘為大，海以博納為深。」

14. 老子曰：「不出戶而知天命，不窺牖以見天道，為之於未有，理〔之〕於未亂。」<sup>①</sup>

- ① 按：「理」，當是避「治」諱。「之」，原脫。老子、四十七章：「不出戶，知天下；不窺牖，見天道。」又六十四章：「爲之於未有，治之於未亂。」又P2612亦引此則
15. 尚書云：「政理於未亂，保邦於未危，思患預防之。」①
- ① 按：「理」當是避「治」諱。尚書、周官：「王曰：若昔大猷，制治於未亂，保邦於未危。」
16. 左傳云：「預備不虞，古之善政。」①
- ① 按：左傳文公六年：「備預不虞，古之善政也。」
17. 孔子曰：「人無遠慮，必有近憂。禍至自怒，何瘳差乎。」①
- ① 按：論語、衛靈公：「子曰：人無遠慮，必有近憂。」
18. 莊子云：「人能清，自靜耳；心神不勞，自至於道。」①
- ① 此則P2612引作莊子曰：「人能清，目靜口，心神不勞，自至於道。」
19. 老子曰：「鑒明者，塵埃不能污；神清者，嗜欲不能謬。賢人君子，心貞意敏，情欲豈能深。」①
- ① 按：P2612引真言決云：「鏡以照面，智以照心。鏡明則塵垢不能止；智明則惡欲不生。人之無道，猶車之無軸，車之無軸，不可以駕；人之無道，不可以行。」又引太公曰：「鑒明者塵垢不能污，神清者，嗜欲不能說，賢人君子，心口意口，情欲豈能染也。」又莊子、德充符：「鑒明則塵垢不止，止則不明也。」又淮南子、傲真訓：「鑒明者塵垢弗能蕪；神清者嗜欲弗能亂。」
20. 顏淵曰：「重己莫若敬人，保己莫若安人。若有以自益，必有以自損。故君子務其所益以防其損，修身非以求榮，且己遠辱。」①
- ① 按：P2612引此作：「重己莫若敬人，保己莫若安人。若有以自益，必有以自損，故君子務益以防其損，脩身非以求名，且以遠惡行善，非以求榮，且以爲辱。」
21. 孔子曰：「恭爲德首，慎爲行基，富貴者以博施爲德，貧賤者以志貞爲賢，故君子貧則志，富則勤施。」
- ① 按：P2612亦引此則。
22. 周公曰：「知善不行，謂之狂①，知惡不改謂之惑。」②
- ① 「謂」，原作爲，據文義改。
- ② 按：P2612亦引此則。王三慶先生敦煌古類書研究「文詞教林」稿，注云：「賈誼新書大政上：知善而弗行，謂之狂；知惡而不改，謂之惑。」又羣書治要卷三十一引孔子：「周公曰：知善不行者，則謂之狂；知惡不改者，則謂之惑。」
23. 魏朗書曰：「棄智遺情是無際畔①，和光同塵，俗無能累。」②
- ① 此句原卷作「棄智爲卜賢是無際畔」。據P2612改。按：「際畔」，疑當作「繫絆」。

② 老子四章、五十六章：「和其光，同其塵。」

24. 蔡伯喈曰①：「善者榮之墓，德者辱之本，人皆莫能棄惡而從善。」②

① 「伯喈」，原作「皆」，據文義改。

② 按：P 2612引此作，「蔡皆曰：善者榮之墓，德者辱之本，人雖樂榮惡辱，而皆莫能棄惡而從善也。」

25. 論語云：「白圭之玷，尚可磨；斯言之玷，不可違。」①

① 按：詩大雅、抑：「白圭之玷，尚可磨也；斯言之玷，不可爲也。」又論語先進篇：「南容三復白圭」何晏集解云：「孔子曰：詩云：白圭之玷，尚可磨也；斯言之玷，不可爲也。南容讀詩至此，三反覆之，是其心慎言也。」恐是據此而誤引作「論語」。

26. 尚書云：「作德心逸日體，作爲心勞日拙。」①

① 按：尚書、周官：「作德心逸日休，作僞心勞日拙。」

27. 劉通曰：「無情以接物，在愚而恆通；有情以接人物，觸慮而成礙。」①

① 接：此則亦見 P 2612。

28. 楊雄曰：「君子脩身，樂聞其過；小人無度，樂聞〔其〕譽。① 聞其過則脩德日新②，聞其譽則益驕而自滿。」

① 「其」，原脫，據文義補。

② 「新」，原誤作薪。

29. 尚書云：「作德心日新，萬邦爲懷；守志自滿，九族乃離。」①

① 按：尚書、仲虺之誥：「德日新，萬邦惟懷；志自滿，九族乃離。」

30. 禮記云：「君子不可不修身，思修身，不可不事親；思事親，不可不知人；思知人①，不可不知天；思知天，若修身乃知孝，知孝乃知人，知人乃知賢、不肖，乃命所保。」②

① 「知」，原卷誤作和。

② 按：禮記、中庸：「故君子不可不修身；思修身，不可不事親；思事親，不可不知人；思知人，不可以不知天。」又鄭注云：「言修身乃知孝，知孝乃知人，知人乃知賢不肖，知賢不肖乃知天命所保。」

31. 易曰：「君子見善則遷，有過則改。」①

① 按：易、益、象云：「君子以見善則遷，有過則改。」

32. 劉會曰：「君子無親，非道不同；小人無親，非理不同。」①

① 按：眞言要決卷第一云：「是以小人善親，非利不合，君子無親，非道不同。」

P 2612引此作眞言決云：「君子無親，非道不同，小人無親，非利不合。若有古而合，必有故而離，無故不同，無因可異。世人若以財交者，財盡則踈；以色交者，色衰則棄；以名交者，名亡



則絕；以勢交者，勢去則離。若有所向，必有所背，有所志，必有所惟，若向善，必背惡；若志□，必唯賢。」

33. 禮記云：「無辭不相接，無禮不相見。以德報德則人有所歡；以怨報德則人有所懲。」<sup>①</sup>

① 按：禮記、表記云：「子曰：無辭不相接也，無禮不相見也，欲民之毋相褻也。」又：「子曰：以德報德，則民有所勸；以怨報怨，則民有所懲。」

34. 尚書云：「侮慢自賢，反道敗德。自滿者人損之；自謹者人益之。」<sup>①</sup>

① 按：尚書、大禹謨：「侮慢自賢，反道敗德。」又：「滿招損，謙受益，時乃天道」下，孔傳云：「自滿者人損之；自謙者人益之，是天之常道。」

35. 王舒曰：「君子不自稱善，非以讓人，惡其蓋人。」<sup>①</sup>

① 按：三國志：魏書卷二十七、王昶本傳：「故君子不自稱，非以讓人；惡其蓋人也。」王昶，字文舒。

36. 老子曰：「地下水流之，天道祐謙，神明記虛。」

37. 季路曰：「居家之方，唯儉與約；立身之道，唯讓與謙。」<sup>①</sup>

① 「唯」，原作為，依上文，據文義改。

38. 老子曰：「大盈若沖，其用不窮。」<sup>①</sup>

① 按：出老子、四十五章

39. 尚書云：「謙受益<sup>①</sup>，滿招損。」<sup>②</sup>

① 「益」上，原卷有「不」，衍，刪。

② 按：出尚書、大禹謨。

40. 論語云：「性相近，習相遠<sup>①</sup>。信〔近〕於義<sup>②</sup>，言可復，恭近於禮，遠恥辱。」<sup>③</sup>

① 「相」，原誤作「性」。

② 「近」，原卷脫。

③ 按：論語、陽貨篇：「性相近也，習相遠也。」又學而篇：「信近於義，遠可復也，恭近於禮，遠恥辱也。」

41. 尚書云：「習性不義，將成其性，逆天官人，是為無道。」

42. 論語云：「君子坦蕩蕩，小人長戚戚。不惡於人，無所憂懼。」<sup>①</sup>

① 按：論語、述而篇：「君子坦蕩蕩，小人長戚戚。」

43. 禮記云：「知禮樂之〔情〕者能製<sup>①</sup>，識禮樂之文〔者〕能作<sup>②</sup>，作樂以應天，制禮以配地。同則相親，異則相敬。」<sup>③</sup>

① 「情」，原脫，據文義補。

② 「者」，原脫，據文義補。

③ 按：禮記、樂記云：「知禮樂之情者能作，識禮樂之文者能述。」又樂記云：「樂以王作，禮以地制。」又云：「同則相親，異則相敬。」

44. 孔子曰：「上好禮，則人莫不敬；上好義，則人莫不服；上好信，則人莫不用情。德至於天，天不秘道；德至於地，地不秘寶。」①

① 按：論語、子路篇：「子曰：小人哉，樊須也！上好禮，則民莫敢不敬；上好義，則民莫敢不服；上好信，則民莫敢不用情。」

45. 尚書云：「天地者，人之父母，農勤稼穡則有秩，下承上則有福，非天私人，惟祐德。」

46. 孝經云：「孝感天地，通於神明者，〔孝〕於天，則風雨順時①，孝至於地，則有穀熟成，孝至於人，重譯來貢。」

① 「孝」，原脫，據文義補。

47. 王陽曰①：「孝至於神，則冥運有助。」

① 「王陽」，原作陽王，據P3990引有「王陽」。

48. 孝子傳云：「董永賣身葬父母，天女蹈機。曾參曰一於親，枯井涌其甘醴。郭巨埋兒養母，天賜黃金。孟宗志恭，冬竹抽筍。王祥盡孝，魚躍水池。楊□感通，田收白壁。」

49. 尚書云：「作善降之百祥，作不善降之百殃。」①

① 按：出尚書、伊訓。

50. 老子曰：「善人者是不善人之師，不善人者是善人之資。善惡雖不眉行，非惡無能顯善。」①

① 按：老子、二十七章云：「善人，不善人之師；不善人，善人之資。」

51. 尚書云：「吉人爲善，惟日不足，凶人爲不善，亦惟日不足。惡貫已滿，天必誅之，若不誅之，天可與同過。」①

① 按：尚書、秦誓云：「我聞吉人爲善，惟日不足，凶人爲不善，亦惟日不足。」

52. 莊子曰：「若人作不善於顯明之中者，人得而誅〔之〕①，若不善於幽冥之中者，鬼得而誅之。」①

① 「之」，原脫，據P3368引補。

② 按：莊子、庚桑楚：「爲不善乎顯明之中者，人得而誅之；爲不善乎幽閒之中者，鬼得而誅之。」

53. 老子曰：「罪莫大於姪，禍莫大於貪，咎莫大於讒，此三者是爲禍原，小則危身，大則

滅家。」①

① 按：老子四十六章：「罪莫大於可欲，禍莫大於不知足，咎莫大於欲得。」

54. 易曰：「善不積①，不足以成形。」②

① 「善不積」，原作「積不善」，據文義改。

② 按：易、繫辭下：「善不積，不足以成名；惡不積，不足以滅身。」

55. 左傳云：「積善之家，必有餘慶；積惡之家，必有餘殃。」①

① 按：易、坤文言：「積善之家，必有餘慶；積不善之家，必有餘殃。」又 P 3368 亦引作「左傳云」

56. 鄉衍曰：「積行有時，棄義背理，有時而亡。」

57. 太公曰：「積穀防飢，積行防衰。」①

① 見敦煌寫本太公家教。

58. 易曰：「二人同心，其利斷金。同心之言，其臭如蘭。」①

① 按：出易、繫辭上。

59. 左傳云：「意合胡越爲兄弟，陳重雷義也。不合則骨肉爲讎敵，朱□管蔡也。」①

① 按：P 3368 引左傳云：「利口能覆邦家，讒言可以離骨肉，意合則胡越爲兄弟，意不合則骨肉爲讎。」

60. 太公曰：「斜徑敗於良田①，讒言敗於善人。理國信讒②，必害忠臣；理家信讒，必疎其親。夫妻信讒，必見生離；朋友信讒，必至死怨。」③

① 「田」，原誤作「人」。

② 「理」，當是避「治」諱，下同。

③ 敦煌寫本太公家教云：「斜徑敗於良田，讒言敗於善人。」又：「治國信讒，必殺忠臣；治家信讒，家必敗亡；兄弟信讒，分別異居；夫婦信讒，男女生分；朋友信讒，必至死怨。」又漢書五行志云：「邪徑敗良田，讒口亂善人，桂樹華不實，黃鳥巢其顛。故爲人所羨，今爲人所鄰。」

61. 孔子曰：「利口能以覆邦家，讒言能離骨肉。」①

① 「離」，原作「利」，據文義改。按：論語、陽貨篇：「子曰：惡紫之奪朱也，惡鄭聲之亂雅樂也，惡利口之覆邦家者。」又 P 3368 引左傳云：「利口能覆邦家，讒言可以離骨肉。」

62. 屈原離騷經云：「積毀銷金，積讒磨骨。」①

① 按：文選、江文通詣建平王上書：「下官聞積毀銷金，積讒磨骨。」

63. 太公曰：「雖有周孔之才，其餘不足觀。」①

① 按：P 2612 引顏舒曰：「雖有周孔之才，晏嬰之機，其餘不足觀也。」

64. 論語云：「雖有宗廟之美，而無祝鮀之佞。」<sup>①</sup>

① 「鮀」，原誤作「鮑」。按：論語、雍也篇：「子曰：不有祝鮀之佞，而有宋朝之美，難乎免於今之世也。」

65. 列仙傳曰：「甘蔗雖甘而不可食，佞之悅己亦不可親。」<sup>①</sup>

① 按：P2612引博物志云：「甘蔗雖甘而不可食，佞人悅己亦不可用。」今本列仙傳、博物志並無。藝文類聚卷六十九服飾部上、杖條云：「漢劉向杖銘曰：都蔗雖甘，殆不可杖；佞人悅己，亦不可相。」此銘亦作崔瑗，太平御覽作馮植。

66. 抱朴子曰：「佞人在世必飛砂走石，暴風折木。」<sup>①</sup>

① 按：P2612亦引此。

67. 班固西都賦云：「風毛雨血，灑野蔽天，彭蠡之鳥，萬萬爲羣。」<sup>①</sup>

① 按：前二句出班固、兩都賦、西都賦

68. 漢書云：「朝無佞臣，五行不亂。」<sup>①</sup>

① 按：P2612亦引此。

69. 易曰：「水火金木土是五行。」<sup>①</sup>

① 按：尚書、洪範：「一五行：一曰水，二曰火，三曰木，四曰金，五曰土。」

70. 禮記云：「天無私覆，地無私載，日月無私照，君子無私惠。」<sup>①</sup>

① 按：禮記、孔子閒居：「天無私覆，地無私載，日月無私照。」

71. 孔子曰：「君子敬而無失，恭而有禮，四海之內，皆爲兄弟。」<sup>①</sup>

① 按：語論顏淵篇：「子夏曰：商聞之矣：死生有命，富貴在天。君子敬而無失，與人恭而有禮。四海之內，皆兄弟也。」

72. 尚書云：「皇天無親，惟德是輔；人心無常，惟惠之懷。」<sup>①</sup>

① 按：尚書、蔡仲之命。

73. 論語云：「克己復禮，眾歸仁焉。」<sup>①</sup>

① 按：論語、顏淵篇：「子曰：克己復禮爲仁，一日克己復禮，天下歸仁焉。」

74. 孝經云：「孝於親者，可移於君。悌於兄者，可移於長。居家理治，可移於官，三者備矣，則揚名於後世，以顯父母。」<sup>①</sup>

① 按：孝經、廣揚名章：「子曰：君子之事親孝，故忠可移於君；事兄悌，故順可移於長；居家理，故順可移於官。」

75. 尚書云：「萬夫之長可以觀政。」<sup>①</sup>

- ① 按：出尚書、威有一德。
76. 論語云：「心思忠信，行思篤敬，則在目前，當若見之。」①
- ① 按：論語、衛靈公篇：「子曰：言忠信，行篤敬，雖蠻貊之邦，行矣。」
77. 禮記云：「君子履霜雪，必有悚惕之心，守禮讓爲家風，敦淳朴爲時俗，百行俱備，無怨無嗟。」①
- ① 按：禮記祭義：「春，雨露既濡，君子履之，必有悚惕之心，如將見之。」又P2612引作「張良書曰」，前並有「至下補德，有感必通，明神祐仁，無微不達。」
78. 孔子曰：「質勝文則野，文勝質則史，文質彬彬，然後君子。」①
- ① 「彬彬」，原作「斌斌」，據論語、雍也篇改。
79. 莊子云：「勞我以生，休我之死，生兮何足喜，死兮何足悲①。」②
- ① 「足」，原卷誤作「之」。
- ② 按：莊子、大宗師云：「夫大塊載我以形，勞我以生，佚我以老，息我以死。」
80. 劉通曰：「婦人懷孕，不得生，既生不得死。猶飢不得不食，既食不得不出，應出不得，與身爲患，應死不死，豈是吉哉。未有不死之人，只可出有早晚，命有長短。」
- ① 按：見真言要決卷第一，又P2612引此亦作「真言決」。
81. 老子曰：「全其直，守其分，率性而動，則可長生。」①
- ① 按：P2612引作莊子：「全其真，守分其，率口不動，則可長生。」
82. 文子曰①：「樹欲靜而風搖之②，性欲平，嗜欲害之。」③
- ① 「文」，原誤作「父」。
- ② 「搖」上，原衍「不」，刪。
- ③ 按：說苑、敬慎云：「樹欲靜乎風不定，子欲養吾親不待。」又見韓詩外傳，P2612引作淮南子。
83. 家語云：「樹欲靜而風不止，子欲養而親〔不〕待。」①
- ① 「不」，原脫，據韓詩外傳補。
84. 淮南子曰：「河水欲清，沙壤穢之。」①
- ① 按：文子、道原：「水之性欲清，沙石穢之。」又文子、上德：「河水欲清，沙土穢之。」
85. 孝經云：「言滿天下無口過，行滿天下無怨惡。」①
- ① 按：出孝經、卿大夫章。
86. 孔子曰：「知命之士，見利不動，臨死不恐。」
- ① 按：P2612亦引此則，唯「恐」作「怨」。

87. 子夏曰：「死生有命，富貴在天。」①

① 按：出論語、顏淵篇。

88. 太公曰：「相命以定，鬼神不移。」①

① 按：P2612亦引此。

89. 尚書云：「人能嚴肅，鬼神自遠。」①

① 按：P2612亦引此。

90. 論語云：「天神曰祇，地神曰鬼，非其祖考而祭之曰讒。」①

① 按：論語、為政篇：「非其鬼而祭之，諂也。見義不為，無勇也。」鄭注云：「人神曰鬼，非其祖考而祭之，是諂以求福也。」又P2612亦引作論語云。

91. 子路曰：「未能事人，焉能事鬼，未能知生，焉能知死。」①

① 按：論語、先進篇：「季路問事鬼神。子曰：敢問死。曰：未知生，焉知死。」

92. 老子曰：「君能慎戒，臣能奉上，人君清靜，天氣自正。」①

① 「正」，原作「政」，敦煌寫卷正、政多通，據文義改。

93. 要訣云：「事君事父者，唯以忠孝為主，為君為父者，須以慈愛為宗。」

94. 禮記云：「為君政於人，為臣政於父，為父政於慈，為子政於孝，為友政於信，若違斯之行，雖讀經書，終無益也。」①

① 按：政疑為止讀為正，後寫作政。禮記、大學「為人君止於仁，為人臣止於敬，為人子止於孝，為人父止慈，與國人交止於信。」

95. 論語云：「事父母能竭其力，事君能致其〔身〕①，與朋友交，言而有信，雖曰未學，吾必謂之學矣。②」③

① 「致」，原作「至」，據文義改。

「身」，原脫，據文義補。

② 「謂」，原誤作「為」。

③ 按：出論語、學而篇。

96. 孔子曰：「入則孝，出則悌，謹而信，汎愛眾而親仁，行有餘力，則可以學文矣。」①

① 按：出論語、學而篇，又「可」字、「矣」字論語無。

97. 左傳云：「君義、臣行、父慈、子孝、兄友、弟恭謂之六順。」①

① 按：左傳隱公三年云：「君義、臣行、父慈、子孝、兄愛、弟敬所謂六順也。」

98. 論語云：「惠而不費，勞而不怨，欲而不貪，泰而不驕，威而不猛，謂之五美。」①

- ① 按：論語堯、曰篇：「子張曰：何謂五美。子曰：君子惠而不費，勞而不怨，欲而不貪，泰而不驕、威而不猛。」
99. 孔子曰：「足食足兵，民信之矣。」①
- ① 「民」，原作「仁」，蓋避「民」諱而作「人」，致音誤為「仁」。據論語、顏淵篇改。
100. 易曰：「人之輔勤，勤則不遺。」
101. 尚書云：「不愆作勞，秋無黍稷。」①
- ① 按：尚書、盤庚篇：「惰農自安，不昏作勞，不服田畝，越其罔有黍稷。」
102. 管子曰①：「〔倉〕稟實②，知禮節，衣食足，知榮辱。」③
- ① 「管」，原誤作「營」。
- ② 「倉」，原脫，據管子、牧民補。
- ③ 「榮」，原誤作「勞」。
103. 老子曰：「理身者愛氣則身全，理國者愛人則國安①。」
- ① 「人」，當是避「民」諱。又P 2612引老子曰：「理身者愛氣則身全，理國者愛氣則國安，理身躁疾則失精神，理國躁疾則失君位。……」
104. 莊子曰：「人知於君，如示之有土，君之於人，如身之恃足。」①
- ① 「水」，原作「示」；「恃」原作「特」。按：P 2612作韓詩外傳云：「人之於君，如水之有土，君之於人，如身之恃足也。」
105. 要訣云：「一國之君，萬方仰賴，君若安靜無欲，則擾亂羣生，天下大理，君若好酒色臺榭，畋獵戰伐，任佞棄賢，勞役無道，人患其苦，亂逆必興，逆亂既興，則人亡君亡，是知一身之內，總賴心生，心若安靜無欲，則不擾亂諸情，一身心安。心若荒淫則色，任偽棄真①，名利纏懷，規求不已，順情則喜，違情則怒，喜怒交馳，則血氣停，血氣停，則四大病生。是知人亂由君而起，君須息亂，以求安身。苦由心而生，心須思苦求樂，若君息亂，則人安，心息苦，則身樂，四大相尅，針藥可治，四大相爭，法律可定，若病在膏肓，針藥不能救，亂在君德，法律不能匡。」
- ① 「偽」，原作「爲」，據文義改。
- ② 按：P 2612亦引作真言決。
106. 老子曰：「理國繁，則下亂，理身繁，則氣散。」
107. 莊子曰：「情之傷性，性妨情，性貞則情銷①，熾則滅，猶如烟生於火，鬱則火滅，火盛則煙微，冰生於水，冰結則水絕②，冰泮則水通。」③

- ① 「貞」，原作「之」，據P2612引劉尚書云改。
- ② 「結」，原作「絕」，據文義改。
- ③ 按：P2612作陸運云：「性之與情，猶火之與煙，火是煙生則妨火，性是情本，情生則妨性，性之與情，猶水之與波，波靜則水動，則是性動則是情。」又P2612引作劉尚書云：「情之傷性，性之妨情，性貞則〔情〕銷，情熾則性滅，猶如煙生於火，煙鬱則火滅，煙微則火盛。又如冰生於水，水過則冰絕，水泮乃冰通。」
108. 孔子曰：「無義而生，無功而賞，不仁而富，禍之基。」
109. 揚雄曰：「許而不與，怨之府；結而不固，禍之路。」
110. 孔子曰：「不仁者不可以久處約，不可以長處樂<sup>①</sup>。久居貧困，則將濫竊；久居富貴則將騷逸，君子固窮<sup>②</sup>，小人窮斯濫矣。」
- ① 按：以上出論語、里仁篇。
- ② 「固」，原作「困」，據論語、衛靈公篇改。
111. 劉會曰：「若欲揚名獲福者，必須堅仁行於里閭；若欲遷官者，必須列清忠於邦國。」
112. 孔子曰：「省徭役則人壽，薄賦斂則人富。」<sup>①</sup>
- ① 按：說苑、政理篇：「魯哀公問政於孔子，對曰：政有使民富且壽。哀公曰：何謂也。孔子曰：薄賦斂則民富，無煌則遠罪，遠罪則民壽。」
113. 西京賦云：「稅繁役勞，人盡力殫。」<sup>①</sup>
- ① 「殫」，原作「殫」，據文義改。按：王三慶先生敦煌古類書研究「文詞教林」稿，注云：「文選、張衡東京賦：征稅盡，人力殫。」
114. 鹽鐵論云：「秦法繁於秋荼，羅網密於凝脂。」<sup>①</sup>
- ① 按：鹽鐵論、刑德第五十五：「昔秦法繁於秋荼，羅網密於凝脂。」
115. 老子云：「天網恢恢，疏而不漏<sup>①</sup>。法令滋彰，盜賊多矣。」<sup>②</sup>
- ① 按：以上出老子七十三章。
- ② 按：以上出老子五十七章。
116. 尚書云：「無偏無黨，王道蕩蕩，無道不偏，王道平平。無反無仄，王道正直。」<sup>①</sup>
- ① 按：出尚書、洪範。
117. 禮記云：「王言如絲，其出如綸。」<sup>①</sup>
- ① 「如」，原作「而」；「綸」，原作「輪」，據禮記、緇衣改。
118. 易曰：「慢藏誨盜，冶容誨淫。」<sup>①</sup>
- ① 原作「慢藏賂盜，冶容誨姪」，據易，繫辭上改。



119. 顏淵曰：「不治高位，不苟其得，淡自然守，惟道爲務。」<sup>①</sup>

① 按：P 2612亦引此則。

120. 莊子曰：「色眩於目，聲流於耳。」

121. 郭景純長笛賦云<sup>①</sup>：「遇清歌則樂，感悲聲則哀。」

① 「純」，原作「亂」。

122. 潘安仁笙歌賦云：「聞之者悲<sup>①</sup>，聽之者嗚咽。」<sup>②</sup>

① 「聞」，原作「問」，據文義改。

② 「聽」，原作「廳」，據文義改。

123. 尚書云：「至理馨香<sup>①</sup>，感於神明，黍稷非馨，明德惟馨。」<sup>②</sup>

① 「馨」，原誤作「馨」。

② 按：出尚書、君陳。

124. 孝經云：「安上理人，莫善於孝，移風易俗，莫善於樂。」<sup>①</sup>

① 按：「理人」，當是避「治」、「民」諱。孝經、廣要道章云：「移風易俗，莫善於風，它上治民，莫善於禮。」

125. 禮記云：「大樂與天地同和，大禮與天地同節。」<sup>①</sup>

① 「樂」，原作「亂」；「禮」，原作「樂」，據禮記，樂記致。

126. 易曰：「聖人與天地同其德，與日月齊其明。」<sup>①</sup>

① 按：易、乾文言：「大人者與天地合其德，與日月合其明。」

127. 史記云：「唐堯之德，其知如天，其仁如神，就之如日，望之如雲。」<sup>①</sup>

① 按：史記、五帝本紀云：「帝堯者，放勳。其仁如天，其知如神，就之如日，望之如雲。」

128. 武侯曰：「不可〔以〕己之所能<sup>①</sup>，而責人之所拙，不可以己之所〔短〕<sup>②</sup>，而割人之所長，是知憂樂者行，行之難不勉見憂，不能勞則傷人，見樂不能悅則違和，故智者不失憂樂之節，以山宗仁，和之德。」

① 「以」，原脫，據下文例補。

② 「短」，原脫，據文義補。

129. 孝經云：「因嚴以敬，因親以敬愛<sup>①</sup>，因情以敬仁而樂乎，畏其刑罰，愛其德義，是曰愛而畏之。」<sup>②</sup>

① 按：以上出孝經序。

② 按：以上出聖治章。

130. 禮記云：「禮經三百，威儀三千，道德仁義，非禮不成，教訓〔正〕俗，非禮不備<sup>①</sup>。

故禮者非日非月，而天下明，非帛非絲、而天下暖。」<sup>②</sup>

① 「正」，原脫，據禮、記禮器及中庸補。

② 按：以上出禮記、曲禮。

131. 尚書云：「立愛惟親<sup>①</sup>，立敬惟長，行之在己，終於四海。」<sup>②</sup>

① 按：P 4971自「親」始。

② 按：尚書、伊訓：「立愛惟親、立愛惟親，立敬惟長，始於家訓，終於四海。」

132. 毛詩云：「相鼠有體，人而無禮，人而無禮，胡不遘死。相鼠有皮，人而無儀，人而無儀，不死胡爲。」<sup>①</sup>

① 按：出詩、邶風、相鼠。

133. 衛伯儒曰<sup>①</sup>：「矜莊嚴肅<sup>②</sup>，人之大節<sup>③</sup>，謙恕恭敏<sup>④</sup>，慎行之本，寬惠博愛，養身之基，好問勤學，立知之始。」

① 「伯」，原作「百」，據P 4971及P 2612改。

② 「肅」，原作「俗」，據文義改。

③ 「大」，原作「本」，據P 4971及P 2612改。

④ 「恕」，原誤作「怒」，據P 4971及2612改。

134. 尚書云：「好問則裕，自用則小<sup>①</sup>。惟德無小<sup>②</sup>，萬邦惟慶。」<sup>③</sup>

① 「裕」，原作「俗」，據尚書、仲虺之誥及P 4971改。

② 「德」，原作「得」，據尚書、伊訓及P 4971改。

③ 按：尚書、伊訓：「爾惟德罔小，萬邦惟慶。」

135. 王舒曰：「賢者懷己不足，是以有餘；愚者自謂有餘，故常不足。」

136. 孔子曰：「聞詩可以語，聞<sup>①</sup>禮可以立身，不讀詩無以言，不讀禮無以立，故禮樂詩書，人之所須，恭敬揖讓，人之所尚。」

① 按：論語、季氏篇：「不學詩，無以言。」又：「不學禮，無以立。」又P 3368引鄭玄曰：「聞詩可以言語，聞禮可以立身。」

137. 要決云：「世人讀經書者，爲求其理，理能生智，智者言自斷耶。爲人雖造經書，不能軌斲而盛於函篋之中者<sup>①</sup>，猶結網以捕魚鱉，魚在深水，若網成高懸不入水，無以得魚鱉。有經書不讀，福智無由生也。」<sup>②</sup>

① 「軌斲」二字，原卷漫漶，據P 4971作。

② 按：真言要決卷第一：「結網以求龜魚，龜魚在深水，結網成不入水以網魚，乃而高懸，龜魚無

由得。造經以求福智，福智在深心，造經成不設誦以網心，乃盛於函篋，福智無由生。」

138. 易曰：「天地之中人最爲貴<sup>①</sup>；貴於萬物者，以其有情。人之無情，何異於草木，貴於禽獸者，以其有禮，人之無禮，何殊於禽獸也。」

① 此句亦見於 P 3368 所引。按：孝經聖治章：「子曰：天地之性，人爲貴」注云：「貴是是於萬物也。」

139. 曲禮云：「鸚鵡能言，〔不〕離飛鳥<sup>①</sup>，猩猩能語<sup>②</sup>，不離禽獸。人之無禮，何殊禽獸。」<sup>③</sup>

① 「不」，原脫，據文義補。

② 「猩猩」，原作「狴狴」，據禮記曲禮改。

③ 按：禮記、曲禮：「鸚鵡能言，不離飛鳥，猩猩能言，不離禽獸。今人而無禮，雖能言，不亦禽獸之心乎。」又 P 2557 止於此。P 3971 亦止於「不離禽」。P 3621 自「曲禮云」始。

140. 莊子曰：「人以類聚，鳥以羣<sup>□□□□</sup>」<sup>①</sup>

① 「羣」以下殘。按：易、繫辭上：「方以類聚，物以羣分。」

141. □□曰<sup>①</sup>：「君子羣君，小人羣居，言不及義，君<sup>□□□□</sup>」<sup>②</sup>

① 「曰」以上殘。當是「論語」或「孔子」二字。

② 「君」以下殘。按：論語、衛靈公：「子曰：羣君終日，言不及義，好行小慧，難矣哉。」

---

敦煌學 第十二輯

編輯者：

中國文化大學  
中國文學研究所 敦煌學會

出版者：

中國文化大學  
中國文學研究所 敦煌學會

印刷者：華岡印刷廠

定價：新臺幣三八〇元

中華民國七十六年二月出版

版權所有 不准翻印

---